

Influeansaboahkuheapmi dearvvašvuodabargiide

Influeansa dagaha duodalaš dávdda ja jápmima hearkkes joavkkuin. Boahkut iežat vai suodjalat iežat, pasieanttaid ja lagašolbmuid.



Influeansaleavvan dearvvašvuodaásahusain

Go olu dearvvašvuodabargit boahkuhit iežaset, de dat sáhtta unnidit influeansadávdda ja leavvama dearvvašvuodaásahusain. Dát lea erenoamáš dehálaš pasieanttaide geat eai sáhte boahkuhuvvot, ja pasieanttaide geain lea hedjonan beaktilvuolta boahkuheamis hedjonan immuvdnavuogádaga geažil.

Gearggusvuolta

Lea maddái dehálaš ahte olu dearvvašvuodasuorggi bargit leat boahkuhuvvon vai doalaha dohkálaš gearggusvuoda stuorát njoammudávdaleavvamiid áigge.

Stuorra njoammunvárra

Dearvvašvuodabargiin lea mealgat stuorát riska oažžut influeansa go buohtastahtta rávisolbmuiguin geat eai bargga dearvvašvuodasuorggis. Jus dat dutnje njoammu, de sáhtat njoammudit earáid vaikko dus eai

leat čielga dávdamearkkat. Virusat njommot goaikkanas-, áibmo- dahje guoskkahusnjoammuma bokte. Rávisolbmot dábalaččat njoammudit dávdda ovttá beaivvi ovdal go dávdamearkkat bohtet ja 3–5 beaivvi maŋnel go buohccájit.

Barggat go hearkkes joavkkuiguin?

Buot dearvvašvuoda- ja fuolahusbargit geat barget pasieanttaiguin, ávžžuhuvvojit boahkuhuvvot. Dát lea erenoamáš dehálaš bargiide geat barget hearkkes pasieanttaiguin, ovdamearkka dihtii boarrásiidfuolahusas, njuoratmánáiguin, borasdávda-divššus, infekšuvdnamedisiinnas dahje intensiivaossodagain.

Bargoaddi galgá fállat ja gokčat boahkuhangoluid buot bargiide geaidda dávda sáhtta njoammut. Váldde oktavuoda bargoaddiin vai oaččut dieduid boahkuheami birra iežat bargosajis.

Dehálaš diedut

influeansaboahkuheami birra

Influeansavirusat rievddadit oppa áigge, ja boahkuheami ferte jahkásaččat heivehuvvot dáidda golgi virusšlájaid. Boahkuheami

beaktilvuolta maid nohká áiggi mielde ja danne dan ferte váldit jahkásaččat.

Rávisolbmuid influeansaboahkuheapmi ii dagat influeansadávdda, danne go das leat dušše oasit influeansavirussis.

Influeansaboahkuheapmi ii suodjal koronavirusa iige eará virusiid ja bakteriijaid vuostá, mat maid sáhttet dagahit influeansalágan dávdamearkkaid.

Boahkuheamis áigodatlaš influeansa vuostá leat hui háreve duodalaš liigeváikkuhusat. Dábalaš liigeváikkuhusat leat ahte čuggensadji ruvssoda, raššu dahje bohtana. Muhtun olbmot sáhttet oažžut febera, deahkkebákčasiid ja šaddet illáveaje. Duodalaš allergijareakšuvnnat leat hui hárevenaččat.

Boahkuheami berre váldit golggotmánus/skábmamánus, ovdal go influeansaáigodat álgá. Suodjalusa oažžu 1–2 vahku maŋnja.



Loga eanet čujuhusas
fhi.no/voksenvaksinasjon